



FJALER KOMMUNE

Rådmannskontoret

Vår ref.
16/79-6/OLH/16/1592

Dykkar ref.

Arkiv
K1 - 242

Dato:
18.02.2016

Havbruksfondet - Fråsegn frå Fjaler kommune

Formannskapet - 017/16:

Det er gjort følgjande vedtak i saka:

Framlegg frå Kjetil Felde (SP):

Fjaler kommune er positiv til forslaget om å opprette eit havbruksfond. Inntekta til havbruksfondet bør kome frå ei arealavgift som og gjeld eksisterande konsesjonar, ikkje berre frå framtidig vekst. Slik vil inngangen til nye konsesjonar kunne vere noko rimlegare. Ein bør etablere ei heimfallsordning for konsesjonar. Ideen om ei arealavgift som beskating av denne næringa er tatt ut i revidert nasjonalbudsjett 2015, noko vi ser på som uheldig. Kommunestyret meiner også at ei fordeling av utbetalingane frå fondet med 20% til staten, 10% til fylkeskommunane og 70% til oppdrettskommunane kan vere rimeleg ut frå kostnader med forvaltning, planarbeid og arealbindingar som næringa medfører i den einskilde kommune. Staten sin del bør inngå i eit eige "enova- fond" for oppdrettsnæringa, For særskilde miljø og energi tiltak. Dette vil kunne stimulere næringa i ei meir miljøvennleg retning.

Innføring av arealavgift er nødvendig for å gi kommunane føreseielege inntekter frå havbruksnæringa, og samtidig sikre at kommunar som ikkje kan ta ut vekst blir sikra et tilfredsstillande inntektsgrunnlag. Arealavgift vil sikre kommunane inntekter etter at veksten avtek eller stopper opp.

Utbetalingane må omfatte alle havbrukskommunar og fordelast etter kommunen sin del av samla MTB (Maksimal Tillatt Biomasse) på lokalitetsnivå i landet. Lokalitets-MTB er den klarerte miljømessige bereevne på ein lokalitet

Utbetalingar til kommunane bør vere etter lokaliserings-MTB 50% og 50% som ei lik fordeling på alle kystkommunar. Slik vi ein stimulere til ein forsvarleg auke langs kysten med stimulering av dei beste lokasjonane.

Fjaler kommune meiner vidare at det mest rasjonelle må vere å opprette eit felles nasjonalt fond der pengane vert utbetalte til kommunane etter kvar konsesjonsrunde. Det vil ikkje vere behov for å nytte statlege ressursar til eit utjamningsfond så lenge kommunane sjølve kan avsette fondsmidlar på renteberande konto og justere sine årlege driftsbudsjett i samsvar med dette.

Med helsing

Ola Hovland
rådmann

Direkte tlf: 57738055